

Nov 2nd Dec 1898

大清光緒廿四年

本館新開除禮拜外每日出報一紙諸君賜閱本報者無論本埠外埠均可函致本館取閱如外埠閱報加寄費不可也除日本英法德俄美各國外其餘各國均送外復不取工本費從英法德俄美各國各官紳紙各機器以待與各官紳刊印書籍單件並有英法德俄美各國活字及各式花邊等延西人排印工藝精所有延西文字均能刊印並精工刊印字大小機器均用精工刊



第五千一百零九號 申報

(號七第牌門口虱巴舊在設開館本)

印工級絕倫並延有文士書寫各種文字現由上海購到各種書籍出售其書目另行刊佈所有各項原價甚相宜再世館所登來札原登否亦須無礙於人而後始錄其有謾罵成文以及支離費解者概不登錄嗣後諸君來札尚祈自諒更須寫實里而後敢將原稿收回也本館謹白

戊戌十月廿九日

英大一千八百九十八年十二月二號(五拜號) 每張售錢五文 每月售銀一元 每日售錢五文

延請教讀 ○啟者茲承友人託本館代延教讀先生一席其人須漳州籍且不吸食鴉片者方能合式 諸君有願就斯席者請至本館面商可也特此佈告 本館代啟
己亥年月份牌出售 ○啟者光緒二十五年己亥之月份牌現經印就定於即日出版至本年所印之月份牌悉係按照時憲書并恭以諸家之歷細心較對無訛而且字畫玲瓏紙張潔潤繪事精細甚屬可觀 諸君賜顧祈早 玉臨選購沾為盼 本館謹啟

論地球萬國將來情形

大易說卦傳曰相見乎離又曰離也者明也萬物皆相見南方之卦也宋邵子推元會運世之說以今時為午運後天之卦離居午位萬物相見正值其時是以地球之上萬國通商五洲之物產五種之人民莫不報往跋來氣聲聲應無塞道煙途之患無閉關絕市之疑此誠運會使然固莫之為而為者也然而古人窮變通久之說雖自此而明而將來虛消息之幾究莫得而測備者語常不語怪西人言理不言數窺知地球萬國將來之情形非憂憂乎其難哉雖然總著蔡之所及知者亦仍準乎常酌乎理以斷之而已矣今夫治天下者力能逮乎政教號令之所及而不能概乎政教號令之所不及伊古來中國帝王所以乘荒服而弗有者為其政教號令有所不能及也今則鐵路輪車旬日而達電音郵報瞬息即通則即有大有為之君如中國之元太祖泰西之拿破崙者欲合地球萬國為大一統當亦無所不可然豈無由合而分之一時乎曰遵萬國公法而各君其國各國各子其民交臂往來角立鼎峙干戈玉帛迭相為用彼此相維亦可持久曰各國將來君臣上下之間體制制若若曰其土皆為民主其下皆有議院其國雖非民主而政亦同於民主其民雖無議院而權亦等於議院勢必至如是而後止問西國學校之盛以後作何究竟曰學校隆則講求亟講求亟則立說繁意者將來西人之著書立論亦如中國之詞章考據性理註疏之活如烟海而令人莫彈莫究乎問西人軍械船炮之利何以破之曰西人武備兼用算學以算學勝者必以算學敗至槍炮魚雷之屬惟明乎電學者足以破之曰目下機器製造日新月盛將來之利弊何如曰此必至物價極廉而工價極貴而後已曰列邦講求商務爭先恐後他日之盈絀何如曰此必至居奇無術謀利無從而後已曰孔子耶穌回教佛教之迭為消長終當以何教為歸希臘臘丁英文漢文之一例通行特未知何體先廢曰教必宗孔子為中庸也字必用英文為簡易也然則有屬地之國其後當奚若無屬地之國其後當奚若此尤易知也因其強弱而決之可耳其有屬地而強也則南海北海皆吾國也其無屬地而強也則東封西討皆吾土也如其弱也則無屬地者甚則有如琉球其次亦如高麗其有屬地者自立為國則如華盛頓見於人則如土耳其其強弱無一定而理有一定也然則吾中國黃種之人其將終見弱於各國而不復能自強歟曰否否中國有田產礦藏之豐富甲於他洲黃種為黃帝堯舜之子孫異於他族其土地有若禁囿視者各國而染指無從其人若有附置散處於列邦而蔓延無已惜也中國僅知設銀行興鐵路立郵政創商局效西法之皮毛而不能建上下議院以主張而綱維之耳誠一旦發奮為雄先設議院而後實事求是以做行西法則非特地球萬國可折筆使也就散處於各國之華民而設官立法以保護之荷其相時而動反客為主作孟賊之內紅則其民既半為吾民其國亦必為吾之屬地矣即使合地球萬國之家而以黃種之人為之皇帝為之君主為之可汗為之伯理聖天德又孰謂其為必無之事嗚呼天道無往而不返之時人道無困而不亨之理方今俄人策西卑利亞鐵路以通商務歐洲人士之有識者謂地球上氣運已行至太平洋亞洲東半球商務之盛可翹足而待然則舍吾中國其孰能與於此哉鄙人管見豈足知來然願執歐洲人士地運行至太平洋之說與中國之人拭目俟之 幸樓主人來稿

諭旨恭錄

○十月初七日奉 硃筆胡俊章補授戶科掌印給事中欽此 ○同日奉 上諭山東按察使著胡文桂補授甘肅夏道員缺著崇補授欽此 ○同日奉 上諭陝西陝安道員缺著高廣恩補授欽此 ○同日奉 上諭江蘇蘇松太道祭鈞著開缺所遺員缺著李光久調補安徽鳳穎六泗道員缺著德齡補授欽此

美班電音

○本坡實得力太晤士西報接十七日英京來電云班廷現已允從美國所要各件將飛獵邊羣島及蘇祿各島割歸美國即由美國補償班國款項二千萬元當時班國經有宣言謂此等定議實非出於甘心爭奈勢力不敵故致強從今其條約諒不日即能畫押矣惟美國則心猶未繫近又別議割據嘉羅羅海島之事惟此事議猶未定也

威海事英電

○本坡實得力太晤士西報接十七日英京來電云勞打探訪人曾在威海與英廷所派查勘威海形勢之雷士將軍會晤據雷將軍云威海一地若能善為經營可作英國東方口岸之冠云

日艦碰傷英電

○本坡實得力太晤士西報接十七日英京來電云日本在英新造之加沙夷丸快船於試水之時忽而碰於紐加士達安他因之橋以致受傷頗重云云

行慶傳聞

○津門西報云探聞皇太后之意擬於明年 皇上萬壽之辰舉行慶典并為之特開額外恩科蓋太后之意欲藉此為收拾民心計也此信若確則 皇上之位或可暫安矣

奧主千秋

○本日為奧王千秋令諭奧國駐叻領事照例在於叻署為之恭祝而本坡陞旗山亦照例為之懸旗誌賀蓋所以昭友邦之禮也

憲旌已發

○頃接前途電信云本坡閱制府及其夫人於昨日經已附搭英國郵船南渡計至西本月底當可以抵叻中然則其回任之期當在泰西歲時也

頭養天和

○京師來簡云青浦名醫陳比部被 召入都自八月二十八日起每日進 內廷請脈開方惟明望例不入直 聖躬係虛弱之症頗不宜於滋補重劑粵東盧太守兼政由疆臣保薦入都用藥偏於溫不合 上意欽奉 殊筆斥退粵西大吏所薦醫士門君文藻係駐防漢軍初次 召診進以茂桂諸品次日即 降旨申斥比部則以輕清靈三字為訣頗稱 旨比來脈案方藥出自比部者多惟太醫院例須會銜點算殊多掣肘耳此外山右朱刺史史素以醫學鳴於時入都最早每日皆隨班入內請脈而已請脈時分為三班或二班比部均列頭班 皇太后必在座代述 皇上病情請脈畢照例赴 御藥房定方方既定即奉 懿旨賞飯請脈之地或在 儀鸞殿或在 勤政殿 皇上起居仍在 瀛臺遊 懿旨也

港督抵港

○香港來信云十二日新任總督勿力制軍抵港港紳咸在新填地英皇像前履舄交錯鵠立以俟新督在船禮砲隆隆及其登岸樂音嗚嗚并護送至督轅賈廉訪當即開讀理藩院封章交新督收領然後接篆

疊子毀電

○上海文匯西報云探聞四川余疊子現又殘害教民地方亡命之徒聞風作叛合州附近各電杆約有二百里路之長均被毀拆四川護理督憲已發兵前往保護各教民噫甫經為順又再為非余匪真怒不畏死哉惟又接九江來信云前月二十五日九江電局接四川重慶道署十九日發來電音云渝城瀘州兩處電線被毀現均修復照盛大人所示辦法可息事安民該犯雷疊子由銅樁另案拿獲現向監禁候教案結後再行訊辦昨瀘州報稱十八日被匪毀壞資州至瀘州電線十里究係何匪所毀業已飭查余疊子自九月十一日起即與約明按照發給小口糧不准妄動彼亦約束其眾令由來管場王家陸陸續回至龍水鎮郵亭鋪各統領委員紳士均已齊集在彼議論交出華司鐸事此次資州所毀電線更與之無涉各處著名匪徒飭據各屬稟報已拿獲不少惟避難來渝之教民日多謠語紛傳無中生有聞福領事亦難為訓戒渝城一切安靜如常郵亭鋪距渝城三站至華司鐸何日在彼動身來渝尚未有確音據此則拆毀電桿者為雷疊子非余疊子矣

英使憤言

○甘軍與鐵路滋事誌節前報茲接北京訪事人來信云此事既起之後榮中堂以案關華洋交涉且中西人各有受傷不得不澈底根究持平辦理以善其後奉 旨此案着派順天府府尹胡橘棻迅速持平辦結胡京兆奉 旨後即赴總理衙門與英國公使寶君晤商寶公使謂中國自辦鐵路自僱之外國人尙且不能保護視同仇敵則我西人之在中國自營生業與因公事往來中國及遊歷傳教之人其不能保護更不待言詞氣之間頗為憤激云

派兵入衛

○前因京都東交民巷毆傷洋人之事各國保聲稱衛使館先後派兵入都疊紀前報茲聞美國亦派步兵三十人於九月二十一日各帶快槍由津乘坐火車赴京駐紮廿二日續有俄國樂兵一隊由大沽俄艦中派出乘坐火車赴京路經津埠津蘆鐵路局以俄國馬步各兵前次入京之數已較多於別國因雨停車攔阻後經駐津俄領事函知北洋大臣以此項之兵乃軍中樂工并非軍隊請准放入裕制軍接兩後當即電知總署聞俟有復電後准其入都云

牛莊近况

○牛莊來信云營口至吉林水陸兩途均為商貨通行要道邇來各處土匪蠢起凡遇客商經過即不携貨重亦將人劫去限定日期勒令贖回倘逾限不贖即將其人非刑致死事主因人既被拘不敢不飽其慾壑此風始於吉林今則牛莊附近亦時有所聞月前有山東漁船赴營售賣高粱被匪徒搶劫一空並搶斃船主之命關道憲明觀察因特出示禁止凡打雁小杉板船不准携帶洋槍祇准用中國舊式前膛槍裝入砂子防傷人命近來外海內河商賈裹足小船載豆到者亦屬寥寥

心猶懸關

○前湖南巡撫陳右銘中丞帥節蒞鄂鄂督張香帥先派員弁迎至織布局暫駐為之洗塵旋備馬車二輛邀約入署復設

盛延以盡地主之情中丞于次日仍坐官舫揚帆東行聞官場傳說帥此次被譴之後毫不介意惟譚至國事不禁憂形于色淚下被面遊人高張忠良見逐有心人能不慨然

電線交割 ○日人據有臺灣後由臺灣至福州之電線應歸何人掌管尚未定議近因該電線歷時日久間有損壞之處亟須修理前經日廷照會中國政府謂應歸何國興修請為酌奪茲據日京杜基澳來信言此事已議停就緒由日本補回中國銀一十五萬兩該電線即歸日人管轄自茲以後中國可無過問矣

熟膏招商 ○粵垣來信云鴉片流毒夫人皆知然高枕橫床矮燈直竹城鄉吸食實繁有徒與其輕稅而嗜者日多何如重稅而嗜者知悔以故日前大憲飭令督各店領牌繳費原欲從此限制且以廣開餉源惟自委員開辦以來已經數載未見成效徒滋虛糜茲善後總局司道各憲擬將全省煎賣熟膏利權招商承辦業已牌示曉諭想彼多財善價者又捷足先登矣今將牌示照錄於左○為牌示事照得廣東全省煎賣熟膏舖戶前奉 張前督部堂飭令領牌繳費每買烟膏一兩抽銀三分歷經由局分派委員前往各屬會同地方官設局開辦惟自辦理以來除各屬支銷經費察解無幾牌費反屬虛糜於公仍無裨益當此經費支絀自應變通招商承辦以裕餉源合行牌示為此仰軍民人等知悉如有殷實商人願承充抽收廣東全省烟膏牌費者立即核實認餉妥議章程具稟本局以憑核明詳請給發示諭開辦切勿遲延望來局遞稟毫無浮費如有吏役勒索許即指稟毋違須牌

查拿會匪 ○密波訪事友人郵寄浙省陳軍門嚴拿會匪示諭云提督軍門陳為出示曉諭事照得哥老會匪最為地方之害迭奉諭旨嚴行查拿均經轉行欽遵各在案查密波為通商口岸鎮海為密波總口五方雜處最易藏奸茲本軍門訪聞密波兩處頗有匪跡秘之入此等匪徒暗中煽惑立會結盟不特游兵散勇與地方素不安分之人易為勾結入黨即在營弁勇亦易為其所惑當此整頓營伍之際必須防練各營嚴密防閑於內地方文武實力稽查於外有犯必懲愚頑防匪徒無隙可乘不至滋蔓為害除嚴飭防練各營查拿外行出示曉諭為此仰軍民人等一體知悉爾等兵勇務須恪守營規時常不得私行出營託名同鄉稱識與人往來亦不得窩留匪人在營住宿如有不遵即行嚴懲至居民飯舖烟館不得貪圖小利窩留游惰游勇以及形迹可疑之人如敢有違一經察覺定即分別按律懲辦決不寬貸其各凜遵毋違特此示此實力奉行想匪類聞之亦當稍稍斂迹矣

演劇酬神 ○小坡正興街新興街等處閩粵兩省商人每年歲事將殘例有演劇酬神之舉正興街則商號頗多故分閩粵二帮各起演劇酬神至於正興街兩帮商人則公同卜定於初九日舉行演劇云

前緝報緝 ○閩人吳姓於十七晚偕同二三友人往打石街觀劇當時人山人海吳身帶有金表一具值銀八十三元詎被剪緝者取去吳猶未知道至升旗山鳴炮報九點鐘時吳欲取表觀看始悉其表已等金杯刺化知被剪緝者偷去不得已將情到一號捕房請緝緝

失水遇救 ○閩人黃南住居加東某椰園內以販賣鮮魚為業十六早乘雨駛船出海不意駛至大赤勘海面忽被暴風將船吹至寒屬亞參港中乃遭覆溺幸黃半扳船舷因在水中浮沉一晝夜之久至十七日乃遇客人蔡亞任柴船道過將黃救起載回坡中於昨十八日始抵叻地云

府案節登 ○閩人林振成寓居大門內萃蘭亭街有六齡幼女於十七日在門前嬉戲詎被匪徒將其所袖鍍金銀管三枝拔去計值六元經林赴案報聞未幾即有暗差携携有原贓至林處報明據云有閩人林明頃携此簪至小坡大馬路承春典肆買銀故被執獲云云此案於十七日在府堂訊畢查明前因犯竊監禁滿期出獄甫經七日乃敢如此猖狂因從重辦判將明繫獄兩月另笞十藤○叻產潮人陳長發於十七日携有黃斜紋布號衣至域多利街成源典肆付質適被暗差所見將其執獲查號衣之上有郵政局號數因送郵政局認明而後將陳送案同日府尊訊定判陳罰銀五元無銀改禁十日○勝越狀師控告潮人陳加喜在其東陝所居園內偷摘楊桃同日訊畢判禁三閱月○巴蘭那輪船司舟控告船伴瓊人符仁庸仁義二人盜竊積包一包同日府尊訊畢判仁庸監禁十四日○前報松栢街叻產客婦鄭氏因十二枝案被獲在於公堂恐嚇証人因被叻產閩人林求保等所控一案同日府尊提訊一次惟以所控之詞不甚明確因命將被告開釋昨報叻產閩婦鄭氏控告叻產閩人曾恩乘其出外看會竊去金器首飾值銀七十六元五角一占之案同日已由府尊訊定判將其監禁三閱月之期不礙

京報選錄 ○頭品頂戴督辦山海關內外鐵路事宜順天府府尹臣胡燏棻跪 奏為遵 旨查明甘軍在蘆溝橋起釁情形現已辦理完結恭摺覆陳仰祈 聖鑒事竊本年九月十一日承准軍機交片本日軍機大臣面奉 諭旨本月初九日甘軍在蘆溝橋與鐵路工程司洋人互毆洋人受有石傷甘軍二人亦受重傷此事究竟因何起釁實在情形若何着胡燏棻迅速查明持平辦結欽此相應傳知欽遵等因奉准此查此案臣於初九日戌刻接據蘆保工程司哥士電稱甘軍勇丁將伊與副工程司腦烈高用石擊傷請查拿懲辦等情臣以該處雖係蘆保鐵路段內非臣應管之事然既屬順天地面不得不將原電送呈大學士榮祿查閱初十日卯刻准榮祿知會已派副都統奇克仲布遊擊王

保鐵路段內非臣應管之事然既屬順天地面不得不將原電送呈大學士榮祿查閱初十日卯刻准榮祿知會已派副都統奇克仲布遊擊王

保鐵路段內非臣應管之事然既屬順天地面不得不將原電送呈大學士榮祿查閱初十日卯刻准榮祿知會已派副都統奇克仲布遊擊王

保鐵路段內非臣應管之事然既屬順天地面不得不將原電送呈大學士榮祿查閱初十日卯刻准榮祿知會已派副都統奇克仲布遊擊王

保鐵路段內非臣應管之事然既屬順天地面不得不將原電送呈大學士榮祿查閱初十日卯刻准榮祿知會已派副都統奇克仲布遊擊王

保鐵路段內非臣應管之事然既屬順天地面不得不將原電送呈大學士榮祿查閱初十日卯刻准榮祿知會已派副都統奇克仲布遊擊王

鳳儀會同臣一併前往查辦當即先赴豐台查驗哥士與腦烈高傷痕均在頭面係為石塊擊傷尚不甚重迫臣到蘆溝橋時接據馬家堡站長來電法兵由津乘火車將次到京臣即折回馬家堡妥為照料一面由奇克仲布等赴蘆溝橋查勘一切是晚據署西路廳同知謝錫芬稟報本月初九日有甘軍兩營來橋駐紮廟內忽於申初間在鐵橋處有滋鬧情事即據蘆保鐵路支應局委員函稱查明起釁情形緣是日酉初甘軍兵勇有橫站鐵橋頭上洋員哥士等令其退讓恐火車難避兵勇不服各持亂石向擊洋員等面上受傷開放手鎗恐赫兵勇亦受傷遂各回持鎗前來擊斃工人一名捉去一名並對火車連放數響等情用特稟報再捉去工人已飭巡檢查獲送交支應局等情並據哥克仲布查明甘軍亦被洋工程司用鎗擊傷兩名正在商辦開奉 旨飭臣查明辦結實以英國使館譯官伯樂同時在場亦受鎗擊傷聞英國使臣實納樂已函請總理衙門嚴拿懲辦臣即於十二日先晤英使臣安立和平辦法以英國使臣以甘軍毫無紀律將來不免與各國為難必須將該兵隊調離有洋人之境並交出此次滋事兵丁從重懲治方能了結臣告以甘軍亦有受傷勇丁必須兩得其平英國使臣局同洋醫查驗是否為工程司擊傷臣即帶同洋醫美國人滿樂道馳赴蘆溝橋查明初九日申刻有甘軍勇丁等即由碎石先擊傷哥士次傷副工程司此口角經英繙譯用華語勸說各散旋有甘軍二三十人復至橋旁大呼辱罵哥士往首道拿該勇丁等即由碎石先擊傷哥士次傷副工程司一名復飭據蘆漢鐵路總公司直隸候補道張振榮一併查覆核與謝錫芬所稟相同此甘軍起釁之實在情形也臣隨復會同奇克仲布等驗明該勇丁二名均係小手鎗擊傷右肩前後一砂子透入一為砂子插過並未入內傷亦均不甚重具為腦烈高手鎗所擊無疑當飭洋醫送至醫院調治其工匠一名奇克仲布等初聽為洋人所擊後由宛平縣知縣劉煥稟請派州知州龔蔭培驗明鎗子圓輕分寸確係軍營所用洋鎗子粒旋於十五日由遊擊王鳳儀交到首滋事勇丁吳金福趙新見二名臣親提訊詢供詞與所查情形無異當將該勇丁各予棍責受傷之洋人與勇丁亦均分別調治創痕逐漸平復案已查辦平允應即奏明擬結惟該副營管帶官朱萬榮督率兵丁整隊移紮甫抵營次遽爾出事雖非意料所及但兵丁等初次滋鬧勸散後仍復任其持鎗出營尋釁以致釀成事端足見約束不嚴殊非尋常疎忽可比相應請 旨將該營官總兵銜儘先副將朱萬榮交部嚴加議處以示懲儆並請將該副營管帶官朱萬榮督率兵丁整隊移紮甫抵營次遽爾鐵路彈壓委員職名交部察議至傷斃工匠之勇丁應由蘆漢總公司查明另案辦結所有遵查甘軍起釁實在情形並辦理完結緣由是否有當理合恭摺覆陳伏乞 皇太后 皇上聖鑒訓示謹 奏光緒二十四年九月十八日軍機大臣面奉 諭旨胡燏棻奏遵查甘軍在蘆溝橋起釁情形現經辦理完結請旨懲儆各摺片營官儘先副將朱萬榮於所帶勇丁約束不嚴着交部嚴加議處處保蘆漢鐵路委員彈壓未能得力並着查取職名交部議處餘依議欽此

題殺道人風月琴尊圖 ○風可使琴音譜月可命尊酒邀風月本雙清琴尊酬之寧寂寂寂園主人愛詩酒好風好月常為偶寄懷山水寓深情絃在指端杯在手憶昔乘風破浪遊南溟曉曉特闢羅羣英著述傳遍海以外恍若扶餘國主霸業恢重瀛戊戌之九秋成此圖一幅屬我題其端藉以引玉玉苦吟不得苦却難無已為君歌一曲我願男兒生貴留事功不為仙佛即當為英雄值時局正多故豈能鬱鬱居此而長終又聞空山事業多經濟匹夫與有蒼生繫一聲陽起龍眠帝者之師言足貴胡為扁舟一葉時往來消磨風月江之隈把酒抱琴自遣世毋乃辜負抑塞磊落之奇才吁嗟乎世事紛更若爐扇乾坤失色星辰變可憐人向擁衾眠憶念元黃血灑飛龍戰於此而立功成誰復能相容於此而立言其奈聽者皆盲聾不如烟波一棹且歸去休把理亂紛紜索心胸噫嘻丈夫非仕則隱耳浮沉濁世何其鄙獨恨樹樹遍地容足難難隱山林與城市迢遙海上且乘桴太息自古聖賢避世皆如此君不見信陵君日飲醇酒近婦人又不見謝安石東山絲竹遊暇亦猶是風月琴尊遺壯懷可惜一副憂國心腸却被柔鄉溺矣如置身若茫雲水間謝絕塵俗清且閒胸中自有足千古琴尊之外惟與風月相往還君成斯圖豈無意披圖我獨知君志殷勤一語還贈君莫使鷓鴣笑人畢竟猶多事 惺噩生運刪

輪船往毛里嶼 ○啓者茲本行有輪船一艘名曰孟買大有二千零四十九墩定於日開啟行前往毛里嶼 諸君有欲搭附貨者祈至本行面商便得特此佈告 大英一千八百九十八年拾二月二號 冠兀里亞洋行謹啟

工部局招與局員預告 ○啟者茲以下所列之紳士已為大狀師惹卓如經及華紳余君連城請舉以便諸人入票公舉充當新嘉坡梧槽地段即第四段之工部局員茲定於西一千八百九十八年利心末月六號即華拾月廿三日禮拜二在本局內公舉人員處稟案入票以定去取 茲將請舉之紳名銜居址列左 威廉蘭申 現寓小東陵第六拾三號門牌之吉禮頓 現充大狀師之職 工部局總理人下力山打然甫謹啟 大英一千八百九十八年拾二月一號

荷蘭國駐叻總領事官告示 ○大荷蘭國駐叻總領事府爾城 為再投家內賭賭餉碼事照得本國家欲將家內之賭碼及賭碼再行招人入票承充此碼係承辦西一千八百九十九年一載為期為此示仰商民人等知悉汝等欲承充此役者可於西利心末月十二號以前入票以憑選擇可也特示 西一千八百九十八年十二月一號 示

憲示 ○大英欽命新嘉坡輔政使司 為通知事照得外國諸商有向本國家收取賬項者務宜於西本年利心末月十五號以前單前來其在利心末月十五號以後之單則於西臘底三四日以前送交本署以憑察核特此諭知
西一千八百九十八年十一月廿三號 一 二 示

退股聲明 ○啓者車水大馬路第一百六十七號門牌德安號打金店原係余與各伴合夥同創歷來無異迨至前月復入吳姓股份并舉其在店充當司事嗣因意見不合故余經將自己名下之股份概行拆出另圖別業嗣後德安號與人往來交易以及賒揭匯項等概為經手是問與余無涉特此聲明 大清光緒廿四年拾月拾六日 車水德安號退股人黃炳權謹啓

西商公鑒告白 ○啟者本公鑒現在僱請侍役首領一名其人須能通英語者方能合用如果其人穩練誠實且辦事勤能者自不吝踰格相酬如有欲就斯役者其即携其薦紙前來面商可也特此佈告 西一千八百九十八年十一月廿三 新嘉坡西商公鑒謹啓

招人入票開設典肆示 ○大英欽命新嘉坡輔政使司 為招人投票開設典肆事照得本國家現欲招人入票在以下所列之路開設典肆每段可以設肆一間其肆以開設三年為期係由西一千八百九十九年然花里月一號起算 二每段每肆當入一票但一人而欲兼入數票分設數肆者聽其自便 三所入之票當聲明每月繳餉項若干 四所繳之餉須於四每月一號先繳該月之餉并須以一個月之餉銀作按以保其如約而行 五其票當於西一千八百九十八年利心末月十號以前送交本署至於票之格式可向總巡捕官署領取茲已將欲設典肆各街繪成圖式存於總巡捕署以便諸人看閱茲將各路及其起止之處開列如左
一紐勿里芝路由押巴沙九刺路起至香港實得力止 二紐勿里芝路由押巴馬交實得力起至押巴真珠實得力止 三紐勿里芝路由押巴真珠實得力起至廣東眠路止 四掃勿里芝路由馬交實得力起一至刺馬實得力止 五掃勿里芝路由刺馬實得力及模實得力起至掃勿里芝路之實密實得力門牌第一百一十四號止 六掃勿里芝路由掃勿里芝路之實密實得力門牌第一百一十四號起至丹戎巴葛又路止 七掃勿里芝路由美芝路起至掃勿里芝路之實密實得力門牌第一百一十四號止 八域多利亞街由實玷不路起至阿納實得力止 九怒勿里芝路由三峇華路起至南透該路之惹蘭吉刺路門牌第二百四十三號止 十怒勿里芝路由惹蘭吉刺路起一至勿籠高止 一至式馬刺沙巷止 十一怒勿里芝路由勿籠高及式馬刺沙巷起至棉打路止 十二馬進路 十三實里宜路 十四棉打路 十五芳林基 十六南京實得力 大英一千八百九十八年十一月廿六號 一 二 示

大英欽命新嘉坡輔政使司 為招工製造事照得本國家現有 羔丕茶店牌 飯店牌 客店牌 烟廊牌 酒店牌 多里及網號牌欲招工入攬造為此示仰商民人等知悉汝等有欲承攬此項工程者可於西利心末月十五號即華十一月初三日以前入票投交本署以憑選擇所有一切情形可向巡捕官署詢問便能知悉各宜踴躍切切特示 大英一千八百九十八年十一月十八號 示

大英欽命新嘉坡輔政使司 為招工除糞事照得本坡各捕房除糞及洗淨廁所之役刻欲招工承辦此役係由西來年正月一號起至年底止以承辦一載為期為此示仰商民人等知悉汝等有欲承攬此項工程者可於西利心末月十五號即華十一月初三日以前入票投交本署以憑選擇所有一切情形可向巡捕官署詢問便能知悉各宜踴躍切切特示 大英一千八百九十八年十一月十八號 示

大英欽命新嘉坡輔政使司 為招人承攬西靴事照得本國家現欲招人承攬西靴約一千二百雙此靴係備本坡巡差所用乃承辦一載為期由西明年正月一號起至年底止為此示仰商民人等知悉爾等有欲承攬此役者可於西利心末月十五號即華十一月初三日以前入票投交本署以憑選擇至於承攬之權任由國家裁奪不得執價低者得之說至其靴辦及一切情形可向巡捕官署管理銀務人員之處查詢便能知悉各宜踴躍切切特示 大英一千八百九十八年十一月十八號 示

大英欽命新嘉坡輔政使司 為招人承攬巡差衣服事照得本坡巡差所用之衫褲欲招商人承攬此役係承辦西一千八百九十九年一載為期為此示仰商民人等知悉汝等有欲承攬此役者可於西利心末月十五號即華十一月初三日以前入票投交本署以憑選擇至於承攬之權任由國家裁奪不得執價低者得之說至其布辦及一切情形可向巡捕官署查詢便能知悉各宜踴躍切切特示 大英一千八百九十八年十一月十八號 示

大荷蘭總領事示 ○大荷蘭國駐叻總領事府爾域 為通知事照得西本年爪亞國家有羔丕九萬九千二百二十八担欲為拍賣如欲知其買賣之期及一切詳細情形者可至本總領事署內詢問便得特此諭知 西一千八百九十八年八月六號 一 一 示

工部局告白 ○啟者茲新嘉坡工部局欲用以下所列各物茲特招人入票承辦此役係一載為期由西一千八百九十九年然哇里

月一號起算茲將各物開列如左
○一木料 ○二加定圓柴及民打俄圓柴 加蘇柴枝 幼面磚及屋瓦 ○三漆料 ○四祖家灰 ○五石灰 ○六牛隻及駛牛車之人此係欲為掃淨街道及清除掃掃之用 ○七牛隻牛車及駛牛車之人此係欲作運配物件之用 ○八鋼鐵及機器房內所用之物 ○九雜物 ○十掃帚 ○十一碎石 ○十二機器匠鑄銅匠及裝飾幼工 ○十三號衣 甲料及黃白斜紋布 乙物料及縫造鑲黃白斜紋布衣服惟不在其內

丙縫造及鑲網烏呢 黃白斜紋衣服及帽 至其入票格式及其一切詳細情形除禮拜外可於每日工作之時到本工部局詢問取領便得然每次到局詢問及取討格式紙者須備費銀半元至入票之時每票須付壓票銀一百元迨至各票核定之後即將該壓票之項發回但所入之票須於票外聲明承充某項工程字樣於西一千八百九十九年利心末月拾三號正午以前送至本局寫字樓交司理人收接以憑核奪至於棄取之權任由本局裁奪不得以價之高低論也特此佈聞

大英一千八百九十九年十一月廿八號
新嘉坡工部局副司理人棉惹丕奉命謹啟

工部局告白 ○特此通知茲照一千八百九十八年所定第十五條之三十五章及三十七章茲因本坡工部局在新嘉坡第四段即

梧槽地段人員大狀師威廉蘭申於一千八百九十八年利心末月三十一號照例拈圖告退故欲於後月即利心末月六號即華十月廿三日禮拜二在新嘉坡禮申兀鄰路工部局之寫字樓內再行公舉局員一人以代蘭申君之任其投票時候定於是日上午十點鐘起至下午四點半鐘止其票紙可於投票之日由各入票之人至收票之處向總理收票之人取討每人應給一紙然照議定之律章凡諸選稅之人如欲公舉局員須以有債租稅者二人先行立書列舉一人舉之一人和之而該公舉字當於怒民末月廿八號禮拜一以前付交工部局寫字樓然該兩人須有公舉之權可以公舉該段之局員者方可至欲公舉局員之格式紙可向工部局司理人處取討便得而本局總理人員當於怒民末月三十號禮拜二由下午二點鐘至四點鐘在品禮申兀鄰路本局寫字樓內靜聽裁奪凡諸人有前來告訴所有入票公舉之員果有不合之處者以憑核辦特此佈聞 西一千八百九十八年十一月廿八號 新嘉坡工部局總理人然商奉命謹啟

葛士兄弟有限公司 賣平貨

啟者茲定於西十二月五號即華十月二十二日起定期一禮拜之久將本公司所存貨底從廉發售此皆頂上貨物惟減價之日無多 諸君有欲採買者祈速移 玉前來勿致有誤特此佈聞 大英一千八百九十八年十一月二十九號 葛士兄弟有限公司謹啟

退股聲明 ○啟者昔街門牌一百一十號廣記客棧生理原係黃連捷李讓合昔年合夥經營現今李讓合意圖自創生理請到公親葉唐生陳正雲翁前來憑部核算清楚將股退出而所有該棧生理全盤並各埠往來賬目原係黃連捷頂受各號往來之數原係向承頂人是問日後生理盈虧與退股人無涉先字聲明以免後論特此佈告 光緒廿四年十月十六日 李讓合謹啟

橋井流香 ○古云不能為良相當為良醫苟能扶其所長出而治世其功德豈淺鮮哉茲有陳松江先生者潮邑薰頭人也素擅岐黃之術治兼內外秘授婦孺跌技南來懸壺于舊巴武永裕興號內但先生初到地方意欲傳名濟世荷貧而無力者願贈醫兩個月余與先生乃同宗之誼且素相友善深知其能爰特修印影言登錄報端以告諸聞津者倘 諸君有欲延請可按揭址相尋便得特此佈告 承裕興號謹啟 光緒二十四年十月十五日

聲明告白 ○啟者新加坡水仙門第六百一十七號門牌廣勝隆號皮料生理原係余陸怡勝自壬辰年八月初十日與陸阿成 陳阿波 陳宗結 陳阿照 伍季羨 胡日各股友合夥開創當時店務初興需人孔亟曾蒙各股友等舉余陸怡勝在店司理各務及買賣賬目等項向來無異茲緣余陸怡勝志欲歸旋乘於本年十月初八日持請各股友到店告辭解職爰請公親陸敦 簡焯二位老爺駕臨秉公即將余陸怡勝自壬辰年八月初十日所掌店內各數核算清楚并無轉轉等情因即向公親面前概將店務及各數部交回各股友執掌似此官清結合應聲明以昭清白此佈 光緒二十四年十月十五日 陸怡勝謹啟

敬頌良醫 ○紀義純先生真當世之良醫也一經著手藥至病除余紀雄之染瘵口痢疾兼傷寒雜病而寓居廖內僻處荒幽偏延醫

生百無一効因聞先生之名如雷貫耳特請到廖為余診治果爾不數日即服藥數劑即已藥到病除而做友李新發亦染心腎之病亦蒙先生著手回春余等感激難忘爰誌數言登錄報端以鳴感謝而紀先生現寓小坡新街頭杏林園樂室樓上倘有同人相延可按揭址敬請便得特此佈聞 光緒廿四年十月十五日 廖內芝發號紀雄之謹啟

勸辦粵漢鐵路招商分局啟 ○啓者本分局現蒙 粵漢鐵路總辦張 委在南洋創設分局開辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有一切詳細章程經已另刊清摺以便 諸君取閱此乃難得之遺逢無窮之美利有志者幸無辜此機緣也特此佈告 大清光緒廿四年九月二十九日 大英一千八百九十八年十一月十二號 勸辦粵漢鐵路分局委員吳丕球謹啟

憲 招人除糞示 ○大英欽命新嘉坡輔政使司 爲招工除糞事照得本國家欲招人承充本坡獄內除糞之役此役係承充一載爲期由西一千八百九十九年然花里月一號起至西年底止爲此示仰商民人等知悉爾等有欲承充此役者可於西一千八百九十八年利還末月十五號即華十一月初三日以前入票投交本署以憑選擇其載糞之車係由國家給與應用但入票之人務須聲明其糞欲置於何處然須運至工部局界外方可若能准其承辦則須保項二百五十元至於棄取之權任由國家主裁各宜踴躍慎無觀望特諭 大英一千八百九十八年十一月二十一號 示

工部局告白 ○啟者茲本局所估一千八百九十九年本坡工部局界內各屋全年屋稅以便抽取門租者其冊現列出存於勞民申路本局寫字樓內以便價稅之人到閱除禮拜外每日均可到本局寫字樓內觀看而本局員當於一千八百九十八年利心末月廿一號即華十一月初九日禮拜三下午三點鐘在本局寫字樓內會集以便聽斷價稅之人前來告訴所估之價或有不公之處倘逾此期即將其冊止結又凡欲訴所估門稅有不合之處者務當具字於所定聚會之日十四日以前通知或至是日前來當堂訴辨以便將冊再行更正均無不可特此佈告 大英一千八百九十八年十一月十七號 工部局副司理人棉惹丕承命謹啟

失印聲明 ○啟者茲微號留美火船本月初一日到叻有遺失新留美輪船船口印乙箇嗣後此印作爲廢物今微號再刻留美輪船船口一印惟少一新字爲憑以免後日魚目之混謹此佈知 光緒二十四年十月初三日 豐源號謹啟

精製眼鏡廣告

眼科之理甚微筆難述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預製精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微凡購用者必先由余驗其眼光如何然後配以合式之鏡自能保護瞳神到老不睡前在英京及加刺吉打等處售賣卓著聲名今到叻中寓迷得律第三號門牌 諸君賜顧尙祈按址訪尋不勝幸甚蓋余不過暫駐數天行將他適也 大清光緒廿四年九月廿七日 刺沙勝士謹啟

西歷一千八百九十八年十一月十號

豐源號

本號輪船往來各埠開列如左 在各埠往實叻日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

各輪船在叻往麻六甲吉隆坡實蘭午 等禮拜五日三點鐘開行特此佈

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒精心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在嘉坡小坡直街廣茂生號寄售 一在芙蓉華廣生號寄售 一在吉隆坡恒棧號寄售 大清光緒廿四年六月廿九日 時雨軒主人謹啟

在實叻往麻六甲每逢禮拜一五日下午四點鐘開行

由芙蓉往吉隆坡每逢禮拜二六日下午六點鐘開行

由吉隆坡回芙蓉每逢禮拜二四日下午四點鐘開行

由麻六甲回實叻每逢禮拜二五日下午四點鐘開行

豐源號謹啟

正金鐘標萬蘭池酒發客

所有各票如無本行不殺呼峇華字者即為假貨幸勿為之誤買

本行有厚望焉
大英一千八百九十八年正月十三號
不殺呼峇即前加珍洋行謹啟



啓者本公司所督辦正金花鐘票萬蘭池酒久已馳名叻地諸華商均喜用之現已議定與本坡酒公司包辦以應零沽凡華僑諸君有欲零沽者請至酒公司沽買便得如買成起以便配往外處者仍可至本行沽買至此酒製造之法精妙異常酒味甚清以之蒸釀者皆為上等之料保無偽充之弊此酒若在本坡沽飲甚屬合宜且價亦甚廉諸翁沽用須為留心辨明以免魚目之混現

新嘉坡嘉東街前
嘉東街前
嘉東街前
嘉東街前
嘉東街前
嘉東街前
嘉東街前
嘉東街前
嘉東街前
嘉東街前


售出酒池蘭萬標仔冠首紅

啓者本公司所督辦正金花鐘票萬蘭池酒久已馳名叻地諸華商均喜用之現已議定與本坡酒公司包辦以應零沽凡華僑諸君有欲零沽者請至酒公司沽買便得如買成起以便配往外處者仍可至本行沽買至此酒製造之法精妙異常酒味甚清以之蒸釀者皆為上等之料保無偽充之弊此酒若在本坡沽飲甚屬合宜且價亦甚廉諸翁沽用須為留心辨明以免魚目之混現

棧間出稅 ○茲做號有新棧二間座落豐榮火確邊上落水極便長一百十二脚氣闊三十六脚氣如諸商翁要租者祈移玉到做號內相商此佈 光緒廿四年九月十八日 豐源號謹啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也 大英一千八百九十八年七月一號 本館謹啟

售出廚鐵



啓者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊習人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此為甚倘 各君有欲購此廚以收藏重寶者可至本行選閱是幸此佈 大英一千八百九十八年正月十三號 不殺呼峇公司即前加珍洋行啟

為魚珠之混是所切盼

大英一千八百九十七年二月十二號
不殺呼峇即前加珍洋行謹啟



啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以 諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙字樣以免司等西字為憑庶免